

中國方志叢書·華北地方·第四六五號


據

清·阮龍光修，邵自祐纂
清乾隆三十五年修，民國二十三年重印本

影印

河南省

通許縣舊志



成文出版社有限公司印行

561/11



中華民國六十五年 月壹一版

通許縣舊志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新建阮君雲溪令通許之十年政平人和百事具舉乃與六興邵君歛五上下議論參考商榷重輯縣志十卷既成問敘於余余惟縣令爲親民之官久於其任則相習相習則如家人婦子痛癢皆得周知故忠信之長惠慈之師必需之以歲月然後所欲所惡息息相通遂成上安下全之治由是採一邑之典故仿國史以成書既熟悉夫山川風土之形人物事爲之實徵文攷獻棄取精詳因端以竟委循末而知本蓋匪伊朝夕之故矣通許縣在開封府東南春秋時爲許東偏地漢唐屬陳留郡宋建隆初立通許鎮咸平五年卽其地置咸平縣金大定中始改今名縣境廣輪五十里土地平曠無崇

山峻嶺之限黃河經流其西間有水患其土雅馴而尚禮其民淳朴而務本風俗最爲近古國家承平百二十有餘年生養休息化臻上理通許雖蕞爾小邑比來黃流順軌歲事屢豐在中州亦頗稱易治先後蒞茲土者不下數十人惟望江王應珮安平黃沛治行卓著阮君繼二君後以經術飾吏治先其大者後其節目如葺城垣修學校濬溝渠次第經營民不擾而事成集近又勒成此書垂諸不朽非所謂靖共夙夜者耶按舊志昉於明嘉靖間我

朝曾一再修之今阮君筆削一本史法記載不煩綱目張舉誠足以信今而傳後矣循是以從政將隨所施行無不可者正

不獨一邑之賴以安全已也余故樂觀其成弁數言以告後之君子

皆

乾隆三十六年歲次辛卯正月下浣中憲大夫知開封府事
峨周於智題

續修通許縣志序

邑之有志猶國之有史周禮小史掌邦國之志外史掌四方之志志雖屬于一邑而國史之作基焉王制命太史陳詩以觀民風命市納賈以觀民之所好惡古帝王省方問俗卽井里之盛衰驗政教之得失民隱時艱靡不周察則今郡邑之有志上備

朝廷之採擇下垂奕世之勸懲所關不綦重哉我

國家重熙累洽道一風同遠而重譯款塞來享來王亦且按圖披籍以昭晰其土俗人心矧許爲中邦赤縣屏障汴南烏可使文物典章久而湮沒考通許于春秋時爲許東偏地雖編

小而賢豪輩出名宦醇儒項背相望且士敦古處民樂耕桑有鄒魯唐魏之風固知不煩督責而治易行也囊年數被災侵謀食不給俗稍凌夷邇來歲事漸豐日有起色家詩書而戶禮樂尊君親上之忱孝友睦婣之誼油然而生間有一二不率之徒示以薄懲亦遂革其故習婦女多知節義冰蘖清操數難更僕舊俗惑於巫覡每叩神以邀福禳災爲事龍光於讀法之餘親講

聖諭曉以彝倫聽者莫不首肯是皆由其質性之淳導之以正則樂趨於正也以故宰此八年桁楊不事囹圄空虛吏事舒徐民氣和樂急公趨事彼此爭先濬溝渠修城郭繕文廟葺

奎樓以及壇墀祠宇次第修舉煥然一新於是邑紳士更願出貲以修志爲請乃韙而應之曰考文徵獻傳後信今甚盛舉也舊志修于雍正戊申迄今四十餘年簡編零落字跡模糊而其間土田口闢人物日增法制政教之詳詩歌記傳之富倘不補而輯之亦復懼其散佚無傳數年來有志未逮而諸君子適有同心其所藉以援據古今以襄治理用彰

熙朝德化之隆者不于此舉見之乎爰捐俸五十金提倡諸紳士欣然醵金襄之遂設局於咸平書院院長邵葵露先生燕臺名宿也珥筆主稿學博喬君峨然分訓王君位南邑孝廉貞君耀南互相考訂

龍光

乘簿書之暇與共商榷載筆于已

丑七月脫藁于庚寅四月證誤訂譌芟繁補缺絕偏私之見
存直道之公典而該有體有要後之採風者覽斯編而一邑
之掌故班班具在不可謂非泰山土壤之一助也

峕

乾隆三十五年歲次庚寅孟夏上澣之吉

內廷行走文林郎知通許縣事新建阮龍光謹序

續修通許縣志原序

國朝 王應璩 序

邑之有志志一邑也何取乎志一邑曰重民俗也何取乎重民俗曰昭政治也前此無志乎曰有有則此何以志曰續其舊也後此無志乎曰有有則此何以志曰啟其新也然則不虞其軼乎曰軼者收之莫敢廢也然則不虞其散乎曰散者策之莫敢紊也然則不虞其雜乎曰雜而不越夫何難也然則不虞其簡乎曰簡而能該夫何簡也凡既備矣而志乃信而志乃成而後邑乃有志予宰汴之通許十年於茲矣始至之日卽嘗披閱其所爲志者而未嘗不惜其久而不修也易象曰風行地上觀先王以省方觀民設教商書曰事不師古以克永世臣說攷聞周書曰學古入官議事以制政乃不迷大雅曰先民有言詢於芻蕘又曰雖無老成人尙有典刑王制曰命太史陳詩以觀民風命市納賈以觀民之所好惡凡此皆言治也卽皆言志也今許之宜志而未及志者前後積三十餘年矣我

國家貽謀燕翼累洽重熙厚澤深仁淪肌浹髓諸重道崇儒勸農貴粟廣訓禹言

數大政所以爲人心風俗計者更史不勝書而州縣王化又幸能各上憲推廣

皇恩實心實政一切化民成俗之事靡不鼓舞振作嘉與維新故一時窮鄉僻壤田婦畊夫皆能向風慕義興起無窮而吾邑之父老子弟其得沐浴至治歌咏太平相安於俗吏之拙者亦既匪伊朝夕此之弗志志之弗續將三十餘年以來之良法美意幾行嘉言既懼其日久滋廢無以昭一代之治而後之吏斯邑者政有所未通事有所不悉奚所規而行焉卽有一二好古之士欲有所據以心知其意亦不可得其又何以神遊盛世而想見今日之淳風也哉用是集邑之國子先生鄉之縉紳學士而所以修厥志者諸君子皆欣欣喜色合詞言曰善敢不敬蚤夜以求觀厥成而吾邑志之修於是乎遂決爰假館於學之忠義祠始自仲秋訖於長至凡三十餘年以來之天時人事土物心臧所見異辭所聞異辭所傳聞又異辭者無不畢至而予時視事許田奔走道路間亦從公餘之暇親詣館局與諸君子

講求訂正擇其確乎可據信而有徵者各從其類以附於向來作者之後共成一書以彰

聖天子之治化著各上憲之旬宣其亦庶幾十年勞吏補苴罅漏之一端也歟後有作者可以鑒矣集成而諸君子且于其來前曰是不可以無序予笑而應之曰是予之責也夫是予之責也夫

通許縣志原序

陳燦

孔子嬪在茲之統推本文王蓋周以前帝王之迹備於文而列國之蹟莫備於周柱下猶龍氏主藏者孔子訪焉人知尼父授禮老子不知探柱下而觀史正作春秋所權輿也以孔子正人心不能外春秋他有所托而春秋之事取諸史故史者天下之人心出焉治天下之大權筭焉以天下之聞不勝窮不恤蒐必有所遺覆載之大可使有暨有不暨乎於是乎明堂臨之轡軒采之象胥通之萃海隅日出流沙僂耳之士俗人心觀其貞淫察其得失歸之於大正則鳳閣鸞臺之春華非史而窮簷丸邑耕夫饁婦之起居告語信史也有天下者不可不治史治史而天下之理得所以治天下因時制宜之理斯得然天下之大積於郡邑郡邑之事積於閭黨閭黨之事不及知無問四海矣古帝仁覆天下不外咨虞兆姓之心雖是簡牘揅以統方岳任方岳以聽庶國而上之覃敷捷下之聲氣靈四海雖靡無能間之此詢事考言所以來如神之舉也今人目不覩垣外而觀史則不下堂已周

郡邑之志不上於宗伯不得名爲史而史必集志以成猶夫襲襲聚千狐之羣也
周公定鼎土中侯衛取則焉卽後世而考道間俗思得豫州之風氣尤亟於得八
埏之圖書奈降詔以來存焉者寡歲終已賈令君視許見志乘民間卽然曰風
俗莫備於文憲失今勿考厥後將奚徵志實格重購之未幾有持敗壞故籍從十
舍外獻者嘉靖前志書也假令新志得君必哀加三事而較之豈俟今日哉
乃歷五閱歲躬自網羅軼行搜訪逸聞既稍稍集而大中丞徵書之檄旋下蓋修
葺之不容緩令君稔知之早綿蕞之矣爰亟出其藏禮聘能史人屬之筆削正其
差蕪務質毋綺務直毋媚務節毋濫務圖所疑毋徇曹所好惡書成一披對間而
繇來之掌故世序之推遷人文物變釐然在目不逐故迹俱湮而隨新圖於澤者
洵良史也牧伯彙而上之司農府藏之柱下以永新

聖天子同風之化邑乘雖細亦鉅之靡可遺已況忠孝節烈文采方隅所產而備橫
普充塞之氣槩尤難以方隅限者詎曰許一偏藹之乎哉余任璿列許司訓辱在

校繕因爲令君達意徵譎言以序余因樸櫟且謝藁室日久尙安能文俛思之史
質事也余唯質言之蓋大都摘詞貴華而紀事必務實但令是非不貿如孔氏卽
勸懲立人心正風俗醇將

朝廷彰瘡大權直懸而不試可耳史之關世道豈少哉讀且竟不禁擊節而興嘆曰
善夫賈子之爲是志